

ქედის მუნიციპალიტეტის საკრებულოს
საფინანსო-საბიუჯეტო კომისიის სხდომის
ოქმი N1

დაბა ქედა

29 იანვარი, 2025 წელი

სხდომა დაიწყო 12:00 სთ-ზე

სხდომა დამთავრდა 12:20 სთ-ზე

სხდომას თავმჯდომარეობდა ამირან წულუკიძე - ქედის მუნიციპალიტეტის საკრებულოს საფინანსო საბიუჯეტო კომისიის თავმჯდომარე.

სხდომას ესწრებოდნენ:

ამირან ცინცაძე - კომისიის წევრი;
რეზო თურმანიძე - კომისიის წევრი;
რომან დავითაძე - კომისიის წევრი;
ლევან ბერიძე - კომისიის წევრი;
ოთარი ხარაძე - კომისიის წევრი;
ინგა ანანიძე - კომისიის წევრი.

სხდომას არ ესწრებოდა კომისიის წევრები:








დავით სირაბიძე - კომისიის წევრი
ირაკლი მახარაძე - კომისიის წევრი;

სხდომას ასევე ესწრებოდნენ:

მუხრან სალაძე - საკრებულოს აპარატის უფროსი;
ციური ზაქარაძე - ქედის მუნიციპალიტეტის საკრებულოს კომისიებთან და საზოგადოებასთან ურთიერთობის განყოფილების უფროსი;
ნანა ბერიძე - ქედის მუნიციპალიტეტის საკრებულოს აპარატის პირველი კატეგორიის უფროსი სპეციალისტი კომისიებთან ურთიერთობის საკითხებში;
ქედის მუნიციპალიტეტის მერიის შესყიდვების განყოფილების უფროსი: გივი დევაძე

ქედის მუნიციპალიტეტის საკრებულოს საფინანსო-საბიუჯეტო კომისიის წევრთა
სარეგისტრაციო ფურცელი

29.01.2025 წელი

№	სახელი, გვარი	თანამდებობა	ხელმოწერა
1	ამირან წულუკიძე	კომისიის თავმჯდომარე	
2	რეზო თურმანიძე	კომისიის წევრი	
3	ამირან ცინცაძე	კომისიის წევრი	
4	რომან დავითაძე	კომისიის წევრი	
5	ლევან ბერიძე	კომისიის წევრი	
6	ოთარ ხარაძე	კომისიის წევრი	
7	ირაკლი მახარაძე	კომისიის წევრი	
8	დავით სირაბიძე	კომისიის წევრი	
9	ინგა ანანიძე	კომისიის წევრი	

სხდომის თავმჯდომარემ დღის წესრიგი ჩამოაყალიბა შემდეგი სახით:

დღის წესრიგი:

1. „ქედის მუნიციპალიტეტის მიერ 2024 წლის შესყიდვების გეგმის ფარგლებში განხორციელებული შესყიდვების ანგარიში“.

მომხსენებელი: მერიის შესყიდვების განყოფილების უფროსი გივი დევაძე

მოისმინეს: სხდომის თავმჯდომარემ განმარტა, რომ 2025 წლის 24 იანვარს ქედის მუნიციპალიტეტის საკრებულოში შემოვიდა (განცხადების ნომერი 12-95250244-95; განცხადების თარიღი 24.01.2025) „ქედის მუნიციპალიტეტის მიერ 2024 წლის შესყიდვების გეგმის ფარგლებში განხორციელებული შესყიდვების ანგარიში“.

კომისიის თავმჯდომარემ კომისიის წევრებს წარუდგინა „ქედის მუნიციპალიტეტის მიერ 2024 წლის შესყიდვების გეგმის ფარგლებში განხორციელებული შესყიდვების ანგარიში“ და ისაუბრა წარმოდგენილი ანგარიშის შესახებ.

ქედის მუნიციპალიტეტის მიერ 2024 წლის სახელმწიფო შესყიდვები განხორციელებული იქნა, რეგისტრირებული შესყიდვების გეგმის შესაბამისად. შესყიდვების გეგმაში ცვლილებების შეტანა ხდებოდა პერიოდულად ადგილობრივ ბიუჯეტში შესული ცვლილებების შესაბამისად, რის შედეგადაც ქედის მუნიციპალიტეტის 2024 წლის სახელმწიფო შესყიდვების გეგმამ საბოლოოდ შეადგინა 9798433 ლარი.

2024 წლის განმავლობაში ბიუჯეტით გამოყოფილი ფინანსების შესაბამისად სახელმწიფო შესყიდვების განსახორციელებლად გაფორმებული იქნა სულ 201 ხელშეკრულება. სახელშეკრულებო ღირებულებამ შეადგინა 9768320 ლარი. აქედან ელექტრონული ტენდერებით გაფორმებული ხელშეკრულებების ღირებულებამ შეადგინა 8987694 ლარი მათ შორის კონსოლიდირებული ტენდერით 307514 ლარი, გამარტივებული შესყიდვით 780626 ლარი საიდანაც სააგენტოდან მიღებული ნებართვით გაფორმდა 662808 ლარის ხელშეკრულება, ხოლო მონეტარული ზღვრების დაცვით გახარჯული იქნა 117818 ლარი.

შესყიდვების სააგენტოს თანხმობით, გაფორმებული ხელშეკრულებების ღირებულების რაოდენობა სამართლებრივი საფუძვლების მიხედვით ასე გადანაწილდა, სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად ჩატარების მიზნით გამარტივებული შესყიდვით განხორციელებული იქნა 3 ღონისძიება ღირებულებით - 289238 ლარი; მასწავლებლის ეროვნული დღის აღსანიშნავი ღონისძიების ორგანიზების მომსახურების შესყიდვა - 3638 ლარი; ქედის მუნიციპალიტეტის ტერიტორიაზე სოფლის მოსახლეობისათვის ექიმამდელი სამედიცინო დახმარების აღმოჩენა ექთნების მიერ - 192000 ლარი და თემზე დაფუძნებული მობილური გუნდის მომსახურება მძიმე ფსიქიკური აშლილობის მქონე პირებისათვის 93600 ლარი.

ექსკლუზიური უფლებამოსილებით 2 ღონისძიება, ღირებულებით- 141980 ლარი, აქედან: ქედის მუნიციპალიტეტის ადმინისტრაციული შენობის დაცვის მომსახურება - 138000 ლარი და საქართველოს ეროვნული ინტელექტ ჩემპიონატის „ქედის ეტალონი მოსწავლის“ გამოვლენის ჩატარების ღონისძიების მომსახურება - 3980 ლარი;

გადაუდებელი აუცილებლობით 2 ღონისძიება, ღირებულებით 231590 ლარი, დაბა ქედაში ყედირ შერვაშიძის ქ.#10 მრავალბინიანი საცხოვრებელი სახლის სახურავის გადახურვა - 199925 ლარი და ქედის მუნიციპალიტეტის სოფლებში მეწყერის შედეგად დაზიანებული სასმელი წყლის მაგისტრალის აღდგენისათვის მიღების შესყიდვა - 31665 ლარი.

2024 წელს სახელმწიფო შესყიდვების ერთიან ელექტრონულ სისტემაში საბოლოო სტატუსი მიენიჭა 120 ტენდერს, რომელთაგანაც ხელშეკრულება დაიდო 81 ტენდერზე. არ შედგა-20 ტენდერი, შეწყვეტილი იქნა - 4 ტენდერი და უარყოფითი შედეგით დასრულდა 15 ტენდერი. გამოცხადებული ელექტრონული ტენდერების საერთო სავარაუდო ღირებულებამ შეადგინა 9872505 ლარი, ხოლო ვაჭრობის შედეგად დაფიქსირებულმა საბოლოო ფასმა 8680180 ლარი შეადგინა. 2024 წლის შესყიდვების გეგმის ფარგლებში განხორციელებული ტენდერებით მიღებული იქნა ეკონომია და დაზოგილ იქნა 1192514 ლარი.

ქედის მუნიციპალიტეტის 2024 წლის სახელმწიფო შესყიდვების ძირითადი ნაწილი 8551506 ლარი მოდის ინფრასტრუქტურული პროექტების განხორციელებაზე, როგორცაა: მეწყერსაწინააღმდეგო ღონისძიებები, მოსახლეობის სასმელი წყლის წყალმომარაგებით უზრუნველყოფა, დაბის და ტერიტორიული ერთეულების ცენტრების კეთილმოწყობა, პარკებისა და სკვერების, გარე განათების მოწყობა, ტურისტული ინფრასტრუქტურის განვითარება, შიდა-საუბნო სასოფლო გზების მოწყობა, მინი სპორტული მოედნების მშენებლობა და სხვა ღონისძიებები.

ხელშეკრულებებით გათვალისწინებული ვალდებულებების შესრულების კონტროლის და მონიტორინგის მიზნით, ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე გამოყოფილი არიან პასუხისმგებელ პირები თავიანთი დარგობრივი ფუნქციების შესაბამისად, ხოლო სამშენებლო სამუშაოებზე შესყიდვის ობიექტის მიღება-ჩაბარებას და კონტროლს ახორციელებს ქედის მუნიციპალიტეტის მერის ბრძანებით შექმნილი კომისია. სახელმწიფო შესყიდვების განხორციელებისას ყურადღება გამახვილებული იყო ისეთ მნიშვნელოვან საკითხებზე, როგორცაა შესყიდვების წლიური და ინდივიდუალური დაგეგმვა, დაგეგმვის პროცესში პასუხისმგებლობების სწორი გადანაწილება, მიწოდების ბაზრის კვლევა, საკვალიფიკაციო და ტექნიკური მოთხოვნების პროპორციულად განსაზღვრა და სპეციფიკაციების შემუშავება აღნიშნული ტექნიკური პირობების მომზადებაში ჩართული იყო მუნიციპალიტეტის მერიის ყველა სამსახური თავიანთი დარგობრივი ფუნქციების შესაბამისად.

საანგარიშო პერიოდში განსაკუთრებული ყურადღება ექცეოდა სახელმწიფო შესყიდვებთან დაკავშირებულ ანგარიშგების საკითხებს. სახელმწიფო შესყიდვების სააგენტოს თავჯდომარის 2011 წლის 10 თებერვლის #2 ბრძანების „შემსყიდველი ორგანიზაციის ანგარიშგების წესის დამტკიცების შესახებ“ შესაბამისად ხდებოდა შესყიდვებთან დაკავშირებული ანგარიშგების მომზადება და ერთიანი ელექტრონული სისტემაში ატვირთვა.

კომისიის წევრებს წარმოდგენილი საკითხის მიმართ შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 6.

წინააღმდეგი: 1.

კომისიამ გადაწყვიტა:

„ქედის მუნიციპალიტეტის მიერ 2024 წლის შესყიდვების გეგმის ფარგლებში განხორციელებული შესყიდვების ანგარიში“ შეფასდეს დადებითად და განხილულ იქნას საკრებულოს სხდომაზე.

კომისიის თავმჯდომარემ სხდომა 12:20 სთ-ზე დახურულად გამოაცხადა.

კომისიის თავმჯდომარე



ამირან წულუკიძე

ოქმი შეადგინა:

საკრებულოს აპარატის პირველი
კატეგორიის უფროსი სპეციალისტი
კომისიებთან ურთიერთობის საკითხებში

ნანა ბერიძე